



## Areglo di Ekstenshon pa entrega di kuenta anual ku anekso

A base di artíkulo 8.87a insiso I Belastingwet BES (Lei di Impuesto BES), kada entidat establese riba un di e islanan BES tin e obligashon pa, denter di nuebe luna despues di final di e aña ekonómiko, entregá e kuenta anual inkluso aneks. E obligashon aki ta konta tambe tantu pa entidatnan ku, a base di artíkulo 5.2 Belastingwet BES ta konsiderá establese na Hulanda, komo pa institushonnan independiente.

A base di artíkulo 8.87a insiso 4 Belastingwet BES, e inspektor, bou di kondishonnan stipulá pa e mes, por duna ekstenshon pa entrega di e kuenta anual inkluso anekso.

Despues di esaki lo muestra e kondishonnan bo mester kumpli kuné pa bini na remarke pa suspenshon di entrega di e kuenta anual inkluso anekso. Aki a hasi diferensia entre un pagadó di impuesto individual ku ta pidi ekstenshon pa entrega di e kuenta anual inkluso anekso, i konseheronan di impuesto ku ta pidi ekstenshon pa un grupo di pagadó di impuesto pa entrega di nan kuenta anual inkluso anekso.

### Areglo di ekstenshon pagadónan di impuesto individual

Pagadó di impuesto individual ku no por entregá nan kuenta anual inkluso anekso, denter di nuebe luna despues di fin di e aña ekonómiko, , riba petishon por haña ekstenshon di tres luna.

Pa bini na remarke pa e ekstenshon aki, e siguiente kondishonnan ta aplikabel:

- Promé ku e fecha final di entrega (si bo aña ekonómiko ta un aña calendario, esaki semper ta kai promé ku promé di òktober) bo mester entregá un petishon por eskrito i firmá.
- Den e petishon aki bo mester mensioná e number di CRIB, e aña calendario ku e petishon ta konta p'e, i tambe e motibu pakiko bo ta pidi e ekstenshon.
- Bo mester a entregá e kuenta anual inkluso anekso tokante e aña ekonómiko anterior na tempu.

Pa e petishon mensioná ariba, tambe bo por hasi uso di e formulario petishon di ekstenshon mensioná riba nos wèpsait [www.belastingdienst-cn.nl](http://www.belastingdienst-cn.nl). Ademas por haña e formulario aki na bali di nos ofisinan. Si bo ta hasi uso di e formulario, mester yena esaki kompletamente i firm'é.

### Areglo di ekstenshon konseheronan di impuesto

Konsehero di impuesto ku no por entregá e kuantanan anual inkluso anekso pa tur nan klientenan denter di nuebe luna despues di fin di e aña ekonómiko, riba petishon por haña ekstenshon di seis luna.

Despues mester parti i entregá e kuantanan anual i anekso di e klientenan pa ken ta pidi ekstenshon na partinan igual den e periodo di seis luna aki (1/6 parti pa luna).

Pa bini na remarke pa e ekstenshon aki, e siguiente kondishonnan ta aplikabel:

- Promé ku promé di sèptèmber di kada aña, e konsehero di impuesto ta hasi un petishon por eskrito firmá pa e kliente pa ken ta pidi ekstenshon.
- Huntu ku e petishon mester inkluí un lista di ken e klientenan ta, ku mension di nan number di CRIB (den órden asendente), nan nòmber, i e aña ekonómiko.
- Si ta un kliente nobo, mester inkluí un outorisashon tambe, ku ta demonstrá ku e konsehero di impuesto ta outorisá na nòmber di e kliente.
- E kuenta anual inkluso anekso di e aña ekonómiko anterior di e kliente mester ta entregá na tempu.
- E konsehero di impuesto, relashoná ku e aña ekonómiko anterior, mester a kumpli ku e eksigensia di entrega artí i entregá na partinan igual di e kuantanan anual i anekso.

Si, relashoná ku e último kondishon mensioná, resultá ku e konsehero di impuesto no ta tene su mes na e entrega repartí di e kuantanan anual i anekso, lo hala aden e areglo di suspenshon relashoná ku e aña ei, inmediatamente.

### Prosesamentu di e petishonnan di ekstenshon

Pagadónan di impuesto individual ku a pidi ekstenshon a base di e areglo di ekstenshon pagadónan di impuesto individual, ta haña un aviso por eskrito ku a asigná òf a rechasá esaki. Konseheronan di impuesto ku a pidi ekstenshon a base di e areglo di ekstenshon konsehero di impuesto ta haña un aviso por eskrito relashoná ku e klientenan di kua a asigná òf rechasá e petishon. Ademas, lo mensioná e kantidat ku mester entregá pa luna.

### Ekstenshon spesial

Lo no duna suspenshon mas aleu, a base di e areglonan mensioná. Si a base di sirkunstansianan spesial manera forsa mayor, no por kumpli ku e fecha di entrega stipulá, por entregá solamente un petishon pa ekstenshon spesial. Mester a motivá e petishon, i mester entregá esaki pa kada pagadó di impuesto individual.